

欽定石渠寶笈續編

欽定石渠寶笈續編

第七十三

宮內等處藏

懋勤殿二

皇上御筆書畫

御筆丁酉歲朝圖

一軸

本幅宣德牋本縱一尺九寸三分橫一尺一寸。

設色畫瓶中梅松枝茶花盃中靈芝雜置百

合柿。行書

御製丁酉春帖子詞。

四時調句。嫗。一氣。壇。貞元。琴上大弦動。機生萬  
物原。京兆循鴻典。春山進土牛。矜民出輕繫。  
勅政去稽留。璿璣運斗向青龍。五日先正氣。  
變冬酉。歲春當酉時。入酒漿。嘉兆叶重重。春  
先一候。淑啓三元。履慶之徵。因可合華實。而占  
吉語也。春帖子既成。并賦色為新韶。如意圖。題  
之幘首。以迓春祺。丁酉春朝。御筆。鈐寶。五乾隆。

扇以淳風。新藻發春妍。清供耳目謀。

玉池

御筆導和 鈐寶一。乾隆御筆

鑒藏寶璽石渠寶笈所藏

御筆讀左傳晉楚城濮之戰說一卷

本幅蠟牋本縱一尺二寸一分橫二尺八寸  
行書

讀左傳晉楚城濮之戰說。城濮之戰人皆知  
子玉之傲而憤以致敗。晉臣之功而和以致勝。  
予則以為其過不在子玉而在楚子也。夫戰國  
之大事也。臣不聽君言冒徼幸願以間執讒慝  
之口而君即從之一失也。知其不可而少與之

師以觀其敗二失也。馬且必乘其產，乃以秦蔡屬之右師，驚虎皮而先奔，三失也。有此三失，即楚子以全軍臨師，亦必致敗。而況君臣之心先自攜貳，謀任其敗，以實已言而棄西廣東宮及若敖之六卒與敵，而弗惜，是非以怨一臣而波及自喪其衆軍士之命乎？且明知晉侯備嘗險阻，天之所置，允當應歸矣，何不令子玉全師而旋？雖將在外，君命有所不受，亦視其得失之大。

小何如耳。未有明知其失。顧以強臣一言而怒。姑由其戰。置國勢之興衰。人命之存亡於不計。如越人視秦人之肥瘠。豈理也哉。予故曰其過不在子玉。而在楚子也。丁酉仲春月。御筆。鈐寶。二。惟精惟一。乾隆宸翰。

引首

御筆 理衷得失 鈐寶 一 乾隆宸翰

鑒藏寶璽 石渠寶笈所藏

御筆讀宗澤忠簡集一卷

〔本幅蠟牋本〕縱一尺一寸二分橫二尺八寸  
一分行書

讀宗澤忠簡集

見 乾清宮所藏  
御筆讀宗澤忠簡集冊款

丁酉仲冬月上澣御筆鈐寶三書史研求遵古  
訓乾隆

〔引首〕

御筆表忠垂誠鈐寶一乾隆御筆



鑒金藏寶圖

石渠寶笈所藏

御筆戊戌歲朝圖 一軸

〔本幅〕宣德綫本。縱一尺九寸。橫一尺一寸。水墨畫梅花行書。

御製戊戌春帖子詞。

戊戌春逢戊土爰稼穡甘律迴四時首福錫萬  
方覃。今日恰為人。今朝適立春。水晶宮道者  
得句又重新。春禱春勝都無藉。春帖春詞未  
可刪。干日支時土牛合。卜豐喜動老農顏。去

歲經年不作繪事。筆墨生疎。茲春帖子為一歲  
新禧。不可無圖。聊寓寒梅以寓春信。戊戌春朝。  
御筆。鈐寶五。乾隆天地為師。摘藻為春。新藻發  
春妍。

玉池

御筆。宜春。鈐寶一。乾隆宸翰。

鑒藏寶璽。石渠寶笈所藏。

御筆讀王應麟困學紀聞 一卷

〔本幅〕宋牋本。縱一尺三寸九分。橫三尺三寸二分。行書。

讀王應麟困學紀聞。應麟博學多聞。著書頗富。而議論皆出於正。是編乃隨筆考訂。理融辭達。其說經具有淵源。深合內聖外王之旨。偶披說易卷。於凡修辭立誠。陽大陰小。防於未然。恐以致福。未嘗不反覆而誦。沈潛而思。以為有天

下國家者。不可不熟讀。而切已體察也。獨其論五陽之盛。一陰生。而引陳完之奔齊。為亡齊者已至。漢宣帝時。匈奴來朝。而王政君已在太子宮。唐太宗即位。而武氏已生於前二年。宋藝祖二年。女真來貢。而宣和之禍。乃作於女真。以為易者。極深研幾。當勿用而知有亢。履霜而知有戰。固亦戒將然。凜消息之義耶。而未免失之鑿矣。夫為君者。慮泰否之幾。察盛衰之運。朝乾夕

惕持盈危明。如是而已耳。必舉數世之前之事。以爲數世之後之兆。或轉疑於謬悠而不信。則反懈其儆懼之心。非此說有以基之乎。且五世八世之說。出於左傳。本屬浮誇。使景公聽晏嬰之諫。簡公從御鞅之言。平公拒田常之計。宣公奪襄子之權。則陳氏終不能爲齊侯也。至於王元后武則天之事。皆因漢唐之帝不能自立。亦人所共知者。而女真入貢於藝祖。更去侵宋一

百數十年。使徽宗不用奸亂政。及遣馬政通使而復背盟。金人又安能如之何哉。蓋禍福互倚。伏。治亂相循環。為人君者。不可不憬然悟而夔然懼。若如應麟所云。智者必鄙而謂誕。愚者將忽而不省。等而上之。堯舉舜。舜舉禹之時。謂之為失天下之機可乎。雖然。當天下極盛之時。而為思患預防之想。亦為君者所當知也。亦豈可。以小疵而棄其大醇。 戊戌仲春月下澣御筆。

鈴寶三。清心抒妙理。得象外意。乾隆宸翰。

引首

御筆。慎幾斥鑿。鈴寶一。乾隆御筆。

鑒藏寶璽。石渠寶笈所藏。





御筆題東林列傳一卷

本幅蠟牋本。縱一尺一寸。橫二尺八寸。行書。  
題東林列傳。東林講學。始以正而終以亂。馴  
致與明偕亡。陳鼎叙為列傳。其序曰。梁溪諸君  
子講學東林。天下從之。皆尚氣節。重名義。及國  
亡。帝后殉節。效在五十餘年之後。亡國有光。於  
明為烈。嗚呼。是邪說也不可以不闢。君人者以  
顯承祖業。致太平。安民物。為有光耳。不能守祖

業徒以國亡殉節為有光。有是理乎。即如東林諸人。始未嘗不以正。其後聲勢趨附。互相標榜。糅襍混淆。小人得而乘之。以起黨獄。是開門揖盜者。本東林之自取。迄明亡而後已。何取乎。帝后殉節為有光哉。鼎此邪說。不惟為明君良臣之罪人。亦實為正人君子之罪人。夫正人君子。豈有不願其國祚之久長。民物之安泰者哉。且歷代名臣。莫如臯夔。稷契。伊望。蕭曹。房杜。王魏。

韓范富歐。是皆非講學者也。而其致君澤民實蹟。古今爭誦之。漢室黨人已開。標榜之漸。激而致禍。即宋之周程張朱。其闡洙泗心傳。固不為無功。然論其致君澤民之實蹟。如向之所舉。若而人者。安能並肩齊趨乎。而蜀洛之門戶。朱陸之冰炭。已啟相攻之漸。蓋有講學必有標榜。有標榜必有門戶。尾大不掉。必致國破家亡。漢宋明其殷監也。夫至國破家亡。黎民受其塗炭者。

不可勝數。而方以死節殉難者。多為有光於古。  
收講學之效。則是效也。徒成其為害。真所謂國  
家將亡。必有妖孽而已。陳鼎此書。獨以裒集紀  
述。本末粲然。觀者或可資論世之助。以為萬世  
之戒。故錄而存之。而其邪說背理。則不可不揭  
正。以詔為政者。故題之簡端。戊戌清和之月  
上澣。御筆鈐寶三。含味經籍。乾隆。

引首

御筆。闢邪垂戒。鈐寶一。乾隆御筆。

鑒藏寶璽石渠寶笈所藏。



御筆題楊維禎鐵崖樂府

一卷

〔本幅〕倣澄心堂紙本

有乾隆年倣澄心堂紙印縱一尺七

分。橫二尺七寸五分行書。

題楊維禎鐵崖樂府 楊維禎於元仕不顯。而

不肯仕於明。似為全人矣。而其補集中有大明  
饒歌鼓吹曲。非刺故國。頌美新朝。非真全人之  
所為。與劇秦美新何以異耶。予命為貳臣傳。於  
錢謙益之既仕本朝。陰為詩文詆毀。常惡其進



退無據。然謙益之所毀者。本朝猶稍有懷故國之心。若維禎則直毀故國。較謙益為甚。夫文章者。所以明天理。叙人倫而已。舍是二者。雖逞其才華。適足為害。不如不識字之為愈也。若曰懼明祖之強留。而故為此遜詞以自全。乃明哲保身之計。予謂明祖直未強留耳。若與之官。將亦必受之。何也。以其忘故國而知之。危素跋而贊之。蓋亦同病相憐。曲為之解耳。因著此論。並命

錄其集前亦所以教萬世之為人臣者 戊戌  
孟夏御筆鈐寶二得象外意乾隆宸翰

引首

御筆 揭隱教忠 鈐寶一 乾隆御筆

鑒藏寶璽 石渠寶笈所藏



御筆詠謚法一卷

本幅仿金粟牋本。縱一尺九寸。橫二尺八寸。  
一分行書。

詠謚法。桀紂匪惡名。桓靈詎醜謚。鄭樵論之  
詳。吾亦題其議。四君自惡君。不因名謚被。如唐  
德宗。光明之肅顯輩。豈弗耀佳稱。寧無愧字義。  
臣子議君父。虧名亦非事。此語既不刊。吾謂謚  
可廢。三代直道行。斯民公論備。惟視所行哉。虛

譽誠無濟。按鄭樵作通志其序諡略云後世  
偽作周公諡法欲以生前之善惡為死後之勸  
懲。且周公之意既不忍稱其名豈忍稱其惡。如  
是則春秋為尊者諱為親者諱不可行乎周公  
矣。此不道之言也。因論云惡諡莫如桀紂其次  
莫如桓靈。此古今之所聞也。桀紂是名耳。非諡  
也。當夏之季未有諡。殷之季雖有諡法。然以得  
諡為榮。且桀之所名取於木。猶高柴公孫枝之

類紂之所名取於絲猶臧紂南宮縚之類是名  
非已之所更即父兄之所命安得有賤人多殺  
殘義損善之義乎桓於經典無惡義如公執桓  
主乃主璋之首稱桓桓武王乃果毅之盛德齊  
桓公用能霸業周桓王亦無累行安得桓為惡  
諡乎靈者神聖之異名周之東也王綱不振迨  
乎靈王周道始昌諸侯服從以其生有神聖之  
德死則諡之以靈是為名實允當安得靈為惡

謚乎。又如幽王罹禍。為臣子所不忍言。故以幽  
寓痛惻。而非擁遏不通之義。厲王雖過。然語云  
子溫而厲。其與安並言德。又豈暴虐無親之義。  
蓋成周初無惡謚。謚之有惡者。後人之所立也。  
云云。其論甚正。因檢閱史記後附謚法解一篇。  
乃唐張守節作正義時錄入逸周書全文。而非  
司馬遷手筆。且逸周書至晉孔晁始注而行之。  
其名雖列於班史藝文志。或言七畧亦有其名。

然劉歆班固皆在史遷以後其書自係遷所未見。況解內各字義曲為比附。必非周公所作。其為後儒詭託無疑。茲詠全韻詩畢。益見鄭樵為不刊之論。且即以幽厲桓靈為惡諡而言。亦足見漢以前尚有公論。而漢以後非革命。異代於其勝朝。或有與以惡諡者。若其本朝未有不與以美諡者。可盡信乎。予故詠諡法而謂之諡可廢耳。並識全韻詩後。以俟後世之公論。戊戌仲



夏月上澣御筆。鈐寶三。乾隆几席有餘香。

〔引首〕

御筆。議衷夾漈。鈐寶一。乾隆宸翰。

鑑藏寶璽。石渠寶笈所藏。

御筆己亥歲朝圖 一軸

本幅宣德牋本。縱一尺九寸。橫一尺一寸。水墨畫盆中萬年青。行書。

御製己亥春帖子詞。

一歲兩逢春。去陳來者新。最欣寅月節。氣啓正於寅。千應土之柔。朝來出土牛。耕犁興稼穡。執豕祝登秋。鴻龍轉月將臨泰。青鳥司時欲變寒。蘆服芹芽無所用。兩年曾未薦。

春盤

陳栝有一統萬年青圖。青與清音同。預符我朝佳兆。曾一倣之。茲復成此幀。即書春帖子詞以迓新韶吉語。己亥春朝。御筆。鈐寶五。乾隆天地一家春。寓意真可人。與物同春。

玉池

御筆。長清。鈐寶一。乾隆宸翰。

鑒藏寶璽。石渠寶笈所藏。

御筆讀宋仁宗本紀贊 一卷

〔本幅蠟牋本。縱一尺一寸五分。橫二尺八寸一分。行書。〕

讀宋仁宗本紀贊。宋史贊仁宗曰。吏治若媮惰而任事。蔑殘刻之人。刑法似縱弛而決獄多平允之士。斯言也。人皆以為是。而余獨以為非。其亦有說乎。夫吏治媮惰。則胥役生心。而小民陰受其害。刑法縱弛。則奸滑肆志。而良善弗得。

安居。蓋不如吏治弗媮情而任事蔑殘刻之人。  
刑法不縱弛而決獄多平允之士。是為寬嚴得  
中。上下均受其福。雖然。致此豈易得哉。此吾所  
以業業兢兢而不遑寧處者也。己亥新秋。避暑  
山莊。御筆。鈐寶三。天地為師。所寶惟賢。乾隆  
御筆。

引首

御筆 論衷治本 鈐寶一 乾隆御筆

鑒藏寶璽石渠寶笈所藏



御筆庚子歲朝圖

軸

本幅宣德牋本。縱一尺九寸。橫一尺一寸。水墨畫蔬筍。行書。

御製庚子春帖子詞。

庚者更律始。子為滋物生。今朝先歲報。明日俶  
禧迎。晨正房星見。條風被萬方。納音怡屬土。  
總是兆農祥。兩歲春朝已虛度。三章春帖亦  
成吟。茲當按例春盤進。欲擬慶春先戚心。蔬



筍為辛盤所必登。嘉味迎年想見江鄉風物之  
美。開韶啓蹕。預寓此以迓春祺。而兆豐樂。圖成  
并書帖子詞於上。庚子春朝。御筆。鈐寶五。乾隆  
天地一家春。萬國農桑寤寐中。與和氣游。

玉池

御筆。嘉生。鈐寶一。乾隆宸翰。

鑒藏寶璽石渠寶笈所藏。

御筆滿珠蒙古漢字三合切音清文鑑序 一卷

〔本幅〕蠟牋本。縱一尺三寸。橫三尺五寸五分。  
行書。

滿珠蒙古漢字三合切音清文鑑序。向既增  
訂清文鑑序而行之。與夫穿鑿字法。謬寓褒譏。  
曲解方言。傳會漢語。一切務奇求勝。亦既辨之  
詳矣。茲三合切音清文鑑書成。司事者以序為  
請。夫既有前序。則此可以不必重為。然前書祇

載國語漢語而未及蒙古。此書乃並載蒙古語  
所為異於前書者。是不可以不闡其義。我國家  
自

太祖

太宗以來。近邊諸蒙古部落。久為世臣。而至今則喀  
爾喀青海及準噶爾之四衛拉特。前後歸順。蓋  
無一蒙古之非我臣民。諸部語言音韻。剛柔雖  
略殊。而大段則一。即國語雖與蒙古語異。而亦

有一二相同者。朕即位初。以為諸外藩歲來朝。不可不通其語。遂習之。不數年而畢能之。至今則曲盡其道矣。侵尋而至於唐古特語。又侵尋而至於回語。亦既習之。亦既能之。既可以為餘暇之消遣。復足以聯中外之性情。因悟天下之語萬殊。天下之理則一。無不戴天而履地。無不是是而非非。無不尊君上而孝父母。無不賢賢人而惡小人。彼其於語言文字中。謬存我是彼。

非入者主之。出者奴之。不亦仰而唾空。終於自  
污其面哉。故向有校正金元國語解之命。及製  
西域同文志。壹是義也。雖然。余以為亦無足深  
怪。作金元史者之調文。何則。彼一類之人。尚有  
越人視秦人肥瘠之言。而況非其類者乎。又況  
彼實不解其語言音義乎。則又安能保千秋萬  
世後不解此書者之。不又將如作金元國史者  
之其人乎。前書之序。並命載於後。庶幾並觀以

互相發明也。庚子新正上澣御筆鈐寶二乾隆。

引首

御筆 函韻同文 鈐寶一乾隆御筆

鑒藏寶璽用筆在心寓意于物五福五代堂古稀天子寶八徵耄念之寶石渠寶笈所藏

卷之四

四

五

六

七

八

九

十

十一

十二

十三

十四

十五

十六

十七

十八

御筆辛丑歲朝圖 一軸

本幅宣德牋本。縱一尺九寸。橫一尺一寸。設色畫古甕瓶簪松枝梅萼如意雜花。行書。

御製辛丑春帖子詞

天申。一氣轉羣雍。春祺萬國同。憲書到西域。昂首  
向東風。春來春去自年年。言吉還成帖子篇。  
尺宅寸田多喜意。由來與物普皆然。三元啟



序氣盛仙壺。即景揮毫。昌昌在目。去臘三白兆  
祥。庭餘時玉。繪成即書春帖詞於幀首。辛丑春  
朝。御筆鈐寶五。古稀天子。猶日孜孜。扇以淳風。  
新藻發春妍。與和氣游。

玉池

御筆 同豫。鈐寶一。乾隆御筆。

鑒藏寶璽。石渠寶笈所藏。

御筆命館臣錄存楊維禎正統辨論一卷

〔本幅〕粉牋本。縱一尺二寸。橫四尺九寸七分。  
行書

命館臣錄存楊維禎正統辨論。元楊維禎著。  
宋遼金正統辨。大旨以元承宋統。而排斥遼金。  
其文不見本集。惟陶宗儀輟耕錄載之。今館臣  
編輯四庫全書。謂其持論紕繆。並輟耕錄內所  
載者亦與刪除。且言隋先代周。繼乃平陳。未聞

唐宋諸儒謂隋承陳不承周也。此語似是而非。蓋嘗論之。春秋大一統之義。尊王黜霸。所以立萬世之綱常。使名正言順。出於天命人心之正。紫陽綱目。義在正統。是以始皇之廿六年。秦始繼周。漢始於高帝之五年。而不始於秦降之歲。三國不以魏吳之強奪漢統之正。春秋之義然也。楊維禎撰三史正統辨。凡二千六百餘言。義本春秋。法宗綱目。其欲以元繼南宋為正統。而

不及遼金。其論頗正。不得謂之紕繆。夫維禎身  
為元臣。入明雖不仕。而應明太祖之名。且上鏡  
歌鼓吹曲。頌美新朝。非刺故國。幾於劇秦美新。  
其進退無據。較之錢謙益託言不忘故君者。鄙  
倍尤甚。向屢於詩文中斥之。而維禎正統之辨。  
則不可以人廢言也。夫正統者。繼前統受新命  
也。東晉以後。宋齊梁陳雖江左偏安。而所承者  
晉之正統。其時若拓跋魏氏地大勢強。北齊北

周繼之亦較南朝為盛。而中華正統不得不屬之宋齊梁陳者。其所承之統正也。至隋則平陳以後。混一區宇。始得為大一統。即唐之末季。藩鎮擾亂。自朱溫以訖郭威等。或起自寇竊。或身為叛臣。五十餘年之間。更易數姓。甚且稱臣稱姪於契丹。然中國統緒相承。宋以前亦不得不以正統屬之梁唐晉漢周也。至於宋南渡後。偏處臨安。其時遼金元相繼起於北邊。奄有河北。

宋雖稱姪於金。而其所承者。究仍北宋之正統。遼金不得攘而有之。至元世祖平宋。始有宋統。當絕我統當續之語。則統緒之正。元世祖已知之稔矣。我

皇祖御批通鑑。及朕向所批通鑑輯覽。俱以此論定。蓋春秋大義。綱目大法。實萬世不易之準。我朝為明復仇討賊。定鼎中原。合一海宇。為自古得天下最正。然朕猶於通鑑輯覽。內存福王建國。

之號一年。使其能保守南都。未嘗不可。如南宋之承統。且延數世。而奈其當陽九之運。

天弗與人。弗歸。自覆其宗社也。此實大公至正。天下萬世可以共見共守之論。然館臣之刪楊維禎正統辨者。其意蓋以金為滿洲。欲令承遼之統。故曲為之說耳。不知遼金皆自起北方。本無所承統。非若宋元之相承遞及為中華之主也。若以此立論。轉覺狹小。天下萬世必有起而議之。


者。是不可以不辨。朕以為不但輟耕錄中所載  
楊維禎之正統辨不必刪除。即楊維禎文集內  
亦當補錄是篇。並將此諭各載卷首。以昭天命  
人心之正。以存春秋綱目之義。特諭。辛丑仲  
春月中澣。御筆。鈐寶二。乾隆。

引首

御筆。論袁麟筆。鈐寶一。乾隆御筆。

鑒藏寶璽。石渠寶笈所藏。





御筆寫烟雨樓景一卷

本幅宣德牋本。縱一尺二寸二分。橫三尺一寸。水墨畫雨景。烟雲中隱樓閣峰嶺層疊。并題。

曾兩圖臨米。忽忽已過時。茲於塞之浙亦復畫而詩。那辨異同鏡。都饒烟雨絲。函三原是一。舊韻偶賡之。辛丑初秋寫烟雨樓圖。仍用去歲題圖詩韻成什。書於幀上。御筆鈐寶二。古稀天

子猶日孜孜。

引首

御筆。景情疊印。鈐寶一。乾隆御筆。

後幅

御筆行書烟雨樓諸詩。

題烟雨樓二首。

通成樓圖。因以近作並書於後。

携圖去歲興

工始。斷手今年歲事勤。數典可知自元璚。賡詩更以憶陳羣。最宜雨態烟容處。無礙天高地廣。

文。却勝南巡。憑賞者。平湖風遞。菱荷芬。十五年  
違烟雨樓。昨春未免惜情投。雖然寫景原藏弄。  
莫若肖形可詠遊。底論南吳及北塞。敢忘後樂  
與先憂。憑欄俯視清泠鏡。武列鴛湖異水不  
青蓮島歌。山莊舊有青蓮島。峭峰三言勒。

聖藻。借問島上何所有。千年之松五色草。詭石破礮  
坡蔓延。襟帶塞湖波浩渺。塵迹不到舟可通。方  
之蓬閭奚過軌。我欲肖為烟雨樓。相度無如此。

地好飾云肯構何敢當景仰高山樸為寶作歌  
敬詠青蓮島

佛口所宣

佛手持一部華嚴真義了

烟雨樓四詠 晴為烟則陰為雨。暮實浮空淡  
蕩然。盈手無形還不濕。試噓分半又疑全。飄飄  
初自鼎頭裊。漠漠旋從簾角連。承德朝炊萬家  
起。至今樂利沐

堯年

右烟

大斯霽霽細霏微總助樓中潤景祈春望

其興恒未至夏愁已甚冀無違豈常雁塞豫而  
樂比似鴛湖是也非暑雨自多怨咨者思艱每  
用念

前微

右雨

青蓮島本水中央石刻三言

聖藻煌接壘假山因綴景相資高閣作清防玲瓏頗  
具邱壑勢咫尺寧勞筇屐忙掩映四隣真者在  
不知孰幻孰為常

右假山

借詢樹以若為真獨

十八公名亶循。駐島應從疏。化代得朋。惟有大  
椿隣。烟恒冬亦雨。恒夏月自秋。而風自春。摩詰  
後生猶絮語。奚稱種作老龍鱗。右真樹

登烟雨樓即景。為喜嘉禾樓望意。構樓玉塞  
俯澄瀛。適當烟雨呈暑景。便拾級梯攬潤情。去  
歲南巡因肖北。今朝責實果循名。循名可耳無  
須甚。時我心中正盼晴。辛丑孟秋月上澣御  
筆。鈐寶三。乾隆水月兩澂明。

鑒藏寶璽。古希天子。五福五代堂。古稀天子寶。八  
徵耄念之寶。天地為師。意在筆先。烟雲舒卷。筆  
花春雨。筆端造化。寓意于物。如古含今。清心抒  
妙理。石渠寶笈所藏。





御筆壬寅歲朝圖 一軸

〔本幅〕宣德牋本。縱一尺九寸五分。橫一尺一寸。水墨畫歲寒三友。行書。

御製壬寅春帖子詞。

四時分卒始。一氣運貞元。綵勝凝和皂。青幡萃  
祉繁。迎樂奏青陽。瞻雲出瑞房。被田三白渥。  
心慶兆農祥。歲月日干都在丑。靈臺推步總  
無差。明年春以今年入。德協重重物紐芽。今

歲東郊氣早。萬彙粵榮。寫得三益圖。作開韶清  
供。即以帖子詞題於幀首。壬寅春朝。御筆。鈐寶  
五。古希天子。猶日孜孜。已有同春。化工四氣為  
全施。新藻發春妍。

玉池

御筆。協慶。鈐寶一。古稀天子之寶。

鑒藏寶璽。石渠寶笈所藏。

御筆癸卯歲朝圖 一軸

〔本幅〕宣德牋本。縱一尺九寸。橫一尺一寸。水墨畫芝蘭盤石。行書。

御製癸卯春帖子詞。

倣律初入歲。嘉占協重寅。萬方一氣遍。慶莫不知春。  
臘雪符三白。條風鬯八埏。物和時共泰。民以食為天。  
癸臨卯茂又過辛。與物皆春共賀春。紀歲憲書列重格。忽為七十有三人。開

韶三日。淑氣東來。寫得瑞芝蘭。以叶春祺嘉兆。  
圖成。即書帖子於上。癸卯春朝。御筆鈐寶五。古  
稀天子。猶日孜孜。天地為師。即事多所欣。新藻  
發春妍。

玉池

御筆。益壽。鈐寶一。乾隆御筆。

鑒藏寶璽。古希天子。石渠寶笈所藏。

御筆甲辰歲朝圖 一軸

〔本幅〕宣德牋本。縱一尺九寸四分。橫一尺三寸。墨筆畫三陽開泰。行書。

御製甲辰春帖子詞。

木德方生甲。龍光正見辰。祥占月幾望。節應氣  
迴春。撰吉幸江南。青旗蹕路探。悉辛逢已盛。  
春澤萬方覃。人生寅繼地。天交玉管旋。東迎  
以郊讀易三。陽開泰運益。厘乾惕九三。爻。三

陽啟泰序協時巡。既繪為圖並題帖子詞。御筆  
鈐寶五。古希天子。猶日孜孜保泰新藻發春妍  
與和氣遊。

〔玉池〕

御筆。開泰。鈐寶一。古希天子  
鑒藏寶璽石渠寶笈所藏。

御筆南巡記一卷

〔本幅〕仿明仁殿箋本。

有明仁殿金  
八分書記

縱一尺三

寸。橫五尺五寸。行書。

南巡記。舉大事者。有宜速而莫遲。有宜遲而莫速。於宜速而遲。必昧機以無成。於宜遲而速。必草就以不達。能合其宜者。其惟敬與明乎。敬者敬。明者明。理敬者敬。

天明者明理敬



天斯能愛民。明理斯能體物。千古不易之理也。予臨御五十年。凡舉二大事。一曰西師。一曰南巡。西師之事。所為宜速而莫遲者。幸賴

天恩有成。二十餘年。疆宇安晏。茲不絮言。若夫南巡之事。則所為宜遲而莫速者。我

皇祖六度南巡。予貌躬敬以法之。茲六度之典。幸成。亦不可以無言。我

皇祖蕩蕩難名。予貌躬瞠乎景仰。述且弗能作於何

有。然而宜遲莫速之義。則不可不明示予意也。  
蓋南巡之典。始行於十六年。辛未。是即遲也。南  
巡之事。莫大於河工。而辛未丁丑兩度。不過勅  
河臣慎守修防。無多指示。亦所謂遲也。至於壬  
午。始有定清口水誌之諭。向來河臣。率皆靳折  
清口。恐干多費工料。  
之議。自洪湖盛漲。則開五壩。下河一帶。無歲不被  
偏災。自壬午年。三次南巡。始定高堰五壩水誌。  
高一尺。清口則開放十丈。為準。俟秋汛後。洪湖  
水勢既定。仍如常接鎮口門。則是河臣恪守此  
法。數十年來。下河免受  
水患。田廬并資保護。  
丙申。乃有改遷陶莊河

流之為

向來清口。每慮黃水親倒漾康熙已卯春

勢

命於清口迤西隔岸挑陶莊引河導黃

使

北。因河臣董安國開放過早旋復淤墊其後

庚

辰辛巳壬辰甲午以及雍正庚戌。歷

大

臣會同河臣籌勘挑辦功迄未就嗣以黃水

倒

灌舍開陶莊引河更無善策乾隆丙申春諭

令

河臣薩載詳悉履勘繪圖貼說往返指示即

於

是年興工。至丁酉仲春歲事自開放新河大

溜

暢達既免黃流倒漾之虞。無收清水刷沙之

益

。因命建河神廟以答。庚子遂有改築浙江石

神

佑。詳見御製碑記。

塘

之工。浙江海塘自戴家橋迤西皆淤塘不足

撫

於老鹽倉一帶。改建魚鱗石塘。仍諭令存留

舊

有淤塘。以為重門保障。辛丑壬寅等年陸續

採辦石料。勘估建築。至癸卯八月該督撫富勒  
渾福崧等奏報石塘三千九百四十丈。全行告  
竣。今甲辰更有接築浙江石塘之諭。浙江海塘一

帶魚鱗石塘。雖已全竣。而章家庵以西。惟藉范  
公塘上隄一道衛護。形勢單薄。不足以資捍禦。  
因先期傳諭該督撫詳晰籌畫。採石鳩工。茲甲  
辰南巡。親臨指示。不惜百餘萬帑金。降旨一律  
接築石塘。俾濱海。至於高堰之增卑易磚。庚子

點募永資樂利。閱視高家堰工。據薩載請將三堡六堡等卑矮  
磚工加高。余以磚工究不若石工之經久。因命  
毋惜帑費。一律改造。石工。徐州之接築石隄。並  
分年修筑。以冀永遠鞏固。山。丁丑壬午乙酉三次南巡。均至徐城。閱視河  
工形勢。次第籌辦。添筑石隄。俱用石十七層。

以資鞏固。其舊有石工三段。長九百七十餘丈。  
較之丁丑新建石隄。短少二三層。於庚子南巡  
時。命嵇璜。陸載勳。會勘。一律加高十七層。又自韓  
山。至奎山。一帶。向止土堰。茲亦一律接築石隄。  
四百五十丈。直連山脚。俾濱河永保安居。無不籌度。咨諏得宜。而後  
行。是皆遲之又遲。不敢欲速之為。夫臣之事君。  
其有知不可而強諍者鮮矣。河工關係民命。未  
深知而謬定之。庸碌者惟遵旨而謬行之。其害  
可勝言哉。故予之遲之又遲者。以此。而深懼予之  
子孫自以為是。而後之司河者之隨聲附和。而

且牟利其間也。與其有聚斂之臣。寧有盜臣在  
他事則可。在河工則不可。河工而牟利。宣洩必  
不合宜。修防必不堅固。一有疎虞。民命繫焉。此  
而不慎可乎。然而為君者。一二日萬幾胥待躬  
親臨勘。而後剔其弊。日不暇給焉。則仍應於敬  
天明理根本處求之。思過半矣。予之舉兩大事而皆  
幸以有成者。其在斯乎。其在斯乎。若夫察吏安  
民。行慶施惠。羣臣所頌以為亟美者。皆人君本

分之應為所謂有孚惠心。勿問元吉。予嘗以此  
自勗也。至於克己無欲。以身率先。千乘萬騎。雖  
非扈蹕所能減。而體大役衆。俾皆循法而不擾  
民。亦亟其難矣。斯必有以振其綱而挈其要。然  
後可以行無事而胥得宜。實總不出敬明兩字  
而已。故茲六度之巡。携諸皇子以來。俾視予躬  
之如何。無欲也。視扈蹕諸臣以至僕役之如何  
守法也。視地方大小吏之如何奉公也。視各省

民人之如何瞻覲親近也。一有不如。此未可言  
南巡而西師之事。更不必言矣。敬告後人以明  
予志。甲辰仲春月中澣。御筆。鈐寶三。游六藝  
圃。古稀天子之寶。猶日孜孜。

引首

御筆。展義垂謨。鈐寶一。古稀天子之寶。

鑑藏寶璽。五福五代堂古稀天子寶。八徵耄念之  
寶。筆花春雨。天地為師。正有同春。用筆在心。石



渠寶笈所藏

御筆乙巳歲朝圖 一軸

〔本幅〕宣德牋本。縱一尺九寸三分。橫一尺一寸。淺設色畫芝蘭盤石。行書。

御製乙巳春帖子詞。

一歲春逢兩四時。運會重建元。開五十。負辰久。  
滋恭。月尚居丑紐。律先中寅蟠。探支悉新朔。  
七日肇元辰。乙巳年春乙巳日。重重奮軋發。  
生機。身為之度心為律。盱以食而宵以衣。壽。

徵盤石喜茁芝蘭。今歲吉事駢臻。寫為發春嘉  
兆。帖子詞成。并題幀上。御筆。鈐寶五。古稀天子  
之寶。猶日孜孜。芝田新藻。發春妍。涉筆偶值幾  
間。

〔玉池〕

御筆 衍慶。鈐寶一。古稀天子之寶。

〔鑑藏寶璽〕石渠寶笈所藏。

御筆丙午歲朝圖 一軸

本幅宣德燦本。縱一尺九寸。橫一尺一寸二分。水墨畫三陽開泰。行書。

御製丙午春帖子詞。

置閏春當兩。祈辛日先庚。粵恩。

天浩蕩。識節物句萌。寅月立春日。庚庚吉兆申。奉。

時應布令。實政及吾民。土牛例備有司官。一歲農功仔細看。敬以致齋應變食。不教尚膳進。

辛盤。丙午立春日。行開泰運。牧夢豐年。協吉  
成圖。並書春帖幘上。御筆。鈐寶五。五古稀天子  
之寶。猶日孜孜保泰。新藻發春妍。與物同春。

〔玉池〕

御筆。泰倣。鈐寶一。古希天子。

鑒藏寶璽。石渠寶笈所藏。

御筆讀史一卷

〔本幅蠟燭本。縱一尺一寸四分。橫二尺九寸二分。〕行書。

讀史。陸賈對高祖語。今古以為奇談。而余以為實有所未臻也。夫高祖之言。在重武輕文。而陸賈之言。在重文輕武。乃兩失之。豈可獨以彼為是乎。蓋創業之君。無不以馬上得之。而敗業之君。無不以忘其祖之馬上得之。以致覆宗絕

祀豈不大可畏乎。周公之訓成王曰。其克詰爾  
戎兵。此即馬上治之之義。周公之智。顧不如陸  
賈橫議之士哉。後世侈言太平。文恬武嬉。以致  
有創業馬上者。乘其釁而得之。是非陸賈之言  
為之作俑乎。余之是論。作於木蘭行營。即向年  
平伊犁。定回部。勦金川。軍書馳至。亦未嘗不以  
馬上治之。何曾礙於理政哉。且人之身。舍勞就  
逸。易去逸服勞。難重文輕武。是就逸重武。輕文

是服勞也。設耽逸而厭勞。寬衣博帶。論安言吉。動引聖人。幾不失其所據。而為武侯所譏耶。茲故以身之所歷。叮嚀示戒。後之人其尚思開創守成興替之機。以毋忘周公訓成王之語。或庶幾乎。乾隆丙午仲秋月。御筆。鈐寶三。古稀天子之寶。猶日孜孜。天地為師。

引首

御筆 詰戎申訓 鈐寶一。古希天子。



鑑藏寶璽。日監在茲。典學勤政。五福五代。堂古稀  
天子寶。八徵耄念之寶。石渠寶笈所藏。

御筆丁未歲朝圖 一軸

〔本幅〕宣德牋本。縱一尺九寸。橫一尺一寸二分。水墨畫梅花行書。

御製丁未春帖子詞。

首春寅月節。恰喜值寅時。率氣含太簇。敷天佈萬禱。策前及策後。象人還象牛。莫匪勤農意。青陽應律謳。息消弗定原。常定羸縮不齊乃。大齊用以占年豐。或儉莫如終始守。欽分鴻

鈞早轉春盞南枝既成帖子詞三章復寫繁英  
以迓新禧並書幘首丁未立春日御筆鈐寶五  
古稀天子猶日孜孜几席有餘香化工四氣為  
全施新藻發春妍

玉池

御筆演韶鈐寶一古希天子

鑑藏寶璽石渠寶笈所藏

御筆夢辨一卷

〔本幅〕蠟牋本。縱一尺一寸五分。橫二尺九寸。  
行書。

夢辨。幼讀論語至孔子曰吾不復夢見周公。  
解之者咸以為孔子盛時曾夢見周公。老而衰。  
則無復是夢。未嘗不疑之。然不得其說。則亦置  
之。今老矣。於學於理。頗有所進。不忍置此疑而  
不明。作夢辨。夫夢者。無何有之事也。真人不

夢尚矣。至誠之道。可以前知。如孔子兩柱之夢。非夢也。乃前知也。類乎是者。亦不一而足。吾悉以前知槩之。若夫高宗版築之夢。吾固已疑之。而著論於通鑑。闡要之書。蓋二典三謨。無所謂夢之語。至周禮。乃有占夢之官。而其說始紛。周禮。非聖人所作也。以予論之。夢雖無何有。而總不出於思。思者情之遠也。真人無夢。蓋不牽於思也。然思有有涉者。有無涉者。無涉者若飛而

行。水而履。火之侵。崖之墮。獸來噬。鬼來擾。龜之  
毛。兔之角。幽漠泖汨。覺則皆無。不可紀極。此則  
觴夢而已。豈實有哉。其有涉者。必其所宿識。如  
父子親友之類。設非宿識。無夢之理。見其祖者。  
夢其祖。至於高曾。則不能夢也。此則思由於心。  
想其形。然必宿識其形者耳。若孔子之夢周公。  
盖由心想乎。而吾以為必無之事。亦在此耳。夫  
堯眉八彩。舜目重瞳。禹耳三漏。湯肩二肘。是雖

出於想像者言。然尚有形之可擬也。若夫周公之容。為皙乎。為黔乎。其貌為妍乎。為媸乎。身之直為長為短。體之橫為肥為瘠。是均不可知。其為何形。然則孔子何以夢之。蓋孔子自歎至老而終不能行周公之道。故曰不復夢見而已。不復夢見者。不能復行其道。是即衰而已。是即俗所謂非夢想所及而已。是即歎道之衰。而非歎身之衰而已。且身有盛衰。心豈有盛衰乎。凡人

尚如是。而况聖人乎。若因身之衰而竝道亦失之。非聖人之事也。楊簡撰易傳於无妄之九五。直引以為孔子實不復夢周公。此誠不值一噓。若倪瓚自詡其畫以為非王蒙所夢見。則尚近之。宋楊簡易傳於无妄之九五。以為孔子不夢周公。不知其幾年矣。云云。是實以孔子曾夢周公。此與膠柱之見何異。內府有倪瓚獅子林圖。其自跋云。與趙君善長。以意商榷。真傳荆關遺意。非王蒙所夢見。此雖尋常習熟之詞。却與論語不復夢見語意較為近之。蓋謂非其所能。即為非其所夢見也。所謂孔子歎道之



不能行亦如是而已矣。即如言今之政治。余以  
為不能夢見堯舜。豈余曾夢見堯舜乎。因並識  
之以俟明於夢者。乾隆丁未仲春上澣御筆。  
鈐寶三。靜中觀造化。古稀天子之寶。猶日孜孜。

〔引首〕

御筆。理覺羣言。鈐寶一。古希天子。

〔鑒藏寶璽〕石渠寶笈所藏。

御筆命大學士阿桂往南河踏勘奏到詩以誌事

一卷

本幅蠟燭本。縱一尺一寸。橫二尺九寸五分。  
行書。

命大學士阿桂往南河踏勘應修各工及不必  
新築之隄。工奏到詩以誌事。禹貢無隄字。行  
其無事所。已成那容廢本。無瑣用瑣。河臣欲增  
隄。意以為弗可。重臣命往勘練事。老成安補舊

信皆當增新議相左

前閱李奉翰等所奏請估修高堰及臨湖風損磚石

各工。並於三溝間逆下擬創築西隄一摺。予即疑添建西隄事不可行。因命阿桂馳赴江南會同確勘。據實具奏。茲據阿桂奏高堰山盱揚糧揚河四廳所屬臨湖磚石工程。冊損處所甚多。並將未滿保固各工段逐一按冊勘驗。除賠修之工。已於請修冊內開除外。尚無影射浮冒情弊。自應照所請分段承修。至添建西隄之處。察看目下邵伯對岸灘面全已涸露。是該處地勢本高。在水小之年。固無須隄工。攔束若湖水漲發。方將使之暢洩。若更添建西隄十五里橫加攔截。湖水必致蓄高。即使如原議將各支港水口留出。不築然各水口寬不過四十大。究不及十五里之廣濶。水口愈窄。則水勢愈猛。西隄一有疎虞。東隄亦難保守。應請停止建築。繪圖貼

說明晰。為湖中那施工。取土勞負荷。子以為奉輪等即欲就高

處築隄。而取土必於他處。其費不貲。況云留出支港。則又與不築隄同。而夏時盛漲。反致壅水。潰隄。實設值夏漲時。蓄水虞致禍。此義實不可行也。

達理諒非將順我。向著知過論。類此弗為哿。凡大

修建隄塘。必附岸施工。方可堅固。今欲於湖中築建長隄。施土既難。而橫中欄截。湖水蓄高。轉以滋害。阿桂老成練達。所奏於事理甚明。並非將順予意。而為此強詞也。予向作知過論。謂工作之不可已者。當仍酌行之。介於可已不可已之間者。率已之而已。如所奏估修高堰及臨湖風損磚石各工。所謂修廢舉湮。有關國政。是皆不可已者。至創築西隄。不惟可已。且慮有害。則

河臣之請。更覺無謂耳。而予更思之。此事如觀火。河臣意

別屬。蓋請南巡舸。河臣何至不冒昧陳奏。事本易明。

不過藉隄成之日。可以奏請南巡。真邀恩澤。殊不知予自辛未至甲辰。教法皇祖六度南

巡。所有海塘河工。無不籌度。咨諏得宜。而後行。是以避之又遲。且南巡之事。談何容易。必克已

無欲。以身率先。而千乘萬騎。體大侵輒。俾皆循法不擾。然後可以行。所無事。一不如此。未可易

言。已詳見甲辰南巡記中。今予六次南巡之典。已成。可弗再舉。乃河臣等意存揣摩。甚不能深


體予作記義示明。申詠鑒揣摩。乾隆丁未仲

冬月。御筆。鈴寶二。古稀天子之寶。猶日孜孜。

引首

御筆。度功燭隱。鈐寶一。古希天子。

鑒藏寶璽。石渠寶笈所藏。



御筆戊申歲朝圖 一軸

本幅宣德牋本。縱一尺九寸。橫一尺一寸。水墨畫梅花湖石。行書。

御製戊申春帖子詞

申年春入酉。戊土兆辛穰。額手同民幸。乞漿得酒當。千歲日之至。坐而原可知。其中卜豐穡。言吉為民宜。去歲嘉平廿八雪。優霑方慶海。氣聞今年春入。



裕前日奏凱行將返大軍。戊申春帖子成并寫南  
枝以符三捷嘉兆。御筆。鈐寶五。古稀天子之寶。  
猶日孜孜與物同春意。在筆先。稽古愛民。

玉池

御筆 春捷。鈐寶一。古希天子。

鑒藏寶璽。石渠寶笈所藏。

御筆巳酉歲朝圖 一軸

〔本幅〕宣德牋本。縱一尺九寸。橫一尺一寸五分。水墨畫瓶插梅花如意。石盆中植菖蒲。行書。

御製巳酉春帖子詞。

雪積三冬厚。春生十日前。乾坤交泰矣。人與物  
閤然。氣率開闢始。陽歌甲乙青。對時驗黃道。  
布惠自明廷。丙寅月值丙寅日。一歲節開兩

歲春物阜民安祝

天佑。羣謙保泰勵心諄。三陽肇啓。南交捷奏早馳。  
既成帖子詞。並寫圖以迓春禧。已酉春朝。御筆。  
鈐寶五。古希天子。猶日孜孜。天地為師。清供耳。  
目謀。新藻發春妍。

玉池

御筆。先捷。鈐寶一。古希天子。

鑒藏寶璽。石渠寶笈所藏。

御筆庚戌歲朝圖一軸

本幅宣德綾本縱一尺九寸橫一尺一寸三分水墨畫梅花竹葉湖石行書

御製庚戌春帖子詞

庚歲春辛日金穰吉兆頻  
寰區飫滋味額手幸  
吾民八徵念休咎  
一氣轉貞元雖值耄之壽  
幸猶智未愾木輅青旗將發東  
虔瞻

闕里

岱宗崇對時育物惟勤已戒滿鞏謙敢懈衷春  
先十日兆協休徵帖子詞成復繪圖以宣壽世  
登祺之慶庚戌春朝御筆鈐寶五八徵耄念之  
寶自強不息正有同春壽扇以淳風

玉池

御筆慶頤鈐寶一八徵耄念之寶

臨金藏寶璽石渠寶笈所藏

御筆辛亥歲朝圖 一軸

本幅宣德殘本。縱一尺九寸。橫一尺一寸五分。水墨畫盆蘭竹石。行書。

御製辛亥春帖子詞。

昨日入首歲。今朝立始春。

天心真愛物。駢接佈鴻仁。仍是金穰歲。重逢大盛  
朝。慶占稼穡稔。虔祝雨暘調。年年春帖額。祥  
和如願常。希弗者多。為此一心那敢易。屢綏鮮。

遇愧如何。元正二日。即入新春。既成春帖子  
詞。并寫蘭石。用叶嘉兆御筆。鈐寶五。八徵耄念  
之寶。自彊不息之田。新藻發春妍。與物同春。

玉池

御筆。錫羨。鈐寶一。八徵耄念。

鑒藏寶璽。石渠寶笈所藏。

敬勝齋法帖

四十冊

〔本幅〕摺裝四十冊。縱九寸。橫一尺一寸。恭摹  
皇上御筆。第一冊十七葉。

御書

御製為君難跋

有臣工恭跋

宮殿四銘

有臣工恭跋

漢光武

論讀唐太宗集。第二冊二十八葉。

御書

御製三希堂記。麥莊橋記。永安寺古井記。玉泉山



天下第一泉記。玉泉山竹礪山房記。王孟記。第三冊四十四葉。

御書

御製寶月樓記。第四冊二十九葉。

御書

御製夜亮木賦。哨鹿賦。後哨鹿賦。南苑雙柳樹賦。嘆夷齊松賦。第五冊十九葉。

御書

御製覺生寺大鐘歌題元人君子林歌昔昔鹽十  
首第六冊二十葉。

御書

御製登興安大嶺歌擬古詩和江文通雜擬詩三  
十首第七冊二十一葉。

御書

御製習字詩

有臣工恭跋

擬古詩三十首玉如意詩第

八冊二十八葉

御書

御製南巡七律三十四首第九冊二十七葉。

御書

御製南巡七律三十二首第十冊二十七葉。

御書

御製南巡七律三十四首第十一冊二十五葉。

御書

御製南巡七律三十首并跋第十二冊二十三葉。

御書

御製舟行雜興詩三十首。詠側理紙詩。大宛馬歌。  
已卯填倉日燈詞。御園雪泛四首。雨後御園閒  
泛三首。哨鹿四章。上巳西苑凱宴詩八首。賦得  
和闕玉六韻。第十三冊二十一葉。

御書復卦第十四冊十九葉

御書幽風七月篇

有臣工恭跋

無逸第十五冊二十五

葉。

御書洪範皇極一疇。大學聖經第十六冊。二十三  
葉。

御書張載東銘西銘。劉禹錫陋室銘第十七冊。十  
九葉。

御書柳宗元梓人傳。魏徵十思疏。陸機演連珠。仲  
長統樂志論。第十八冊。二十三葉。

御書千字文。蔡襄荔支譜。張蘊古大寶箴。第十九  
冊。十四葉。

御書王延壽魯靈光殿賦。木華海賦。謝惠連雪賦。  
第二十冊十四葉

御書李白夢遊天姥吟。王維桃源行。杜甫觀曹將軍畫馬圖詩。蘇軾烟江疊障圖詩。范成大臘月村田樂府。第二十一冊二十五葉。

御臨鍾繇力命帖。薦季直表。又王氏三帖。又王羲之黃庭經。樂毅論。東方朔畫像贊。蘭亭詩序。聖教序。集王羲之書。孫綽蘭亭詩後序。第二

十二冊二十二葉

御臨王羲之書四十三則。第二十三冊十六葉。

御臨王獻之書洛神賦十三行。有臣工恭跋。又獻之書。

三則。又淳化閣帖二十四則。又隋人書史岑

出師頌。又虞世南尺牘第二十四冊十九葉。

御臨褚遂良書枯樹賦尺牘。又陸東之書蘭亭詩。

又孫過庭書譜。又顏真卿裴將軍詩。麻姑仙

壇記第二十五冊二十二葉。

御臨顏真卿自書告身。雜書五則。又柳公權尺牘。  
又楊凝式韭花帖。又蔡襄詩帖三則。入春帖。  
荔支譜。第二十六冊二十六葉。

御臨蘇軾天禧頌。天慶觀乳泉賦。澆瀕堆賦。第二  
十七冊三十三葉。

御臨蘇軾制草。題李伯時黃庭內景寫真贊。石恪  
畫維摩贊。次韻王晉卿送梅花詩。題畫詩。集  
歸去來辭詩。孫莘老墨妙亭詩。春帖子詞。第



二十八冊二十葉

御臨蘇軾妙高臺詩。書錢侯不願仕齋詩。雜著尺牘二則。第二十九冊二十一葉。

御臨黃庭堅書劉明仲墨竹賦。松風閣詩。送夏君玉赴零陵主簿詩。第三十冊二七七葉。

御臨黃庭堅呈孫莘老詩。山預帖書跋。又米芾方圓庵記。西園雅集圖記。天馬賦。文殊偈。茗溪詩。第三十一冊二十一葉。

御臨米芾蕭閒堂詩帖。峴山詩。送王渙之彥舟詩。  
題巨然海野圖詩。慶雲帖。觀江帖。題林逋詩。  
帖第三十二冊二十七葉。

御臨米芾書跋尺牘八則第三十三冊二十葉。

御臨吳琚尺牘。又趙孟頫書洪範歸田賦洛神賦。

第三十四冊二十九葉。

御臨趙孟頫真草急就章。

御書

御製順義縣行宮雨中詩第三十五冊十八葉  
御臨趙孟頫節書陶潛歸去來辭飲酒詩天冠山  
詩又俞和書前有尊酒行第三十六冊十九

葉

御臨王寵書前後出師表第三十七冊十九葉  
御臨董其昌書孝經并識千字文并題第三十八  
冊二十二葉

御臨董其昌臨淳化閣帖十三則虞世南破邪論

序。顏真卿送劉太冲序。楊凝式大仙帖。第三十九冊。二十一葉。

御臨董其昌書樓真志。晉唐詩十三首。第四十冊。二十三葉。

御臨董其昌撫蘭亭詩。贈尹惺麓詩。游畸墅詩。并識。過始寧墅詩。古柏行。叢竹歌。絕句二首。末冊末鐫。乾隆二十六年辛巳孟夏月奉

旨模勒上石。

八分書。

模寶一。乾隆御筆之寶。後附刻。

臣工跋並刻總理排類監造鐫刻諸臣銜名。

竊惟觀天象地書英聿興。依古帝王。自羲畫  
堯文而後。岫嶺禹碑。岐陽周鼓。漢勒鴻都之  
篆。唐鐫晉叔之銘。非不炳耀流傳。而華寫類  
出自臣工之手。其或屏垂無逸。圖列幽風。下  
至玉堂飛白。代有傳書。而殘帙無多。體法未  
備。我

皇上獎餘游藝。示則書林。程課臨池。無間寒暑。臣  
等倖直

禁禦當

宣毫甫就。墨瀋疑華。每幸爭先快觀。觀夫飛雲拂  
素。玉潤金生。大則鳳翥鸞驚。細或垂珠滴露。  
結構悉本於天成。模範備賅夫衆妙。莫不神  
明於規矩之中。起軼於叮咛之外。溯乎懿哉。  
先是曾綜輯

御書勒為敬勝齋法帖。茲復更閱歲時。

聖功日進而無疆。

宸翰日新以富有。宜亟壽諸豐珎。昭示天下。永為

藝苑程式。於是日蔣溥等具詞敷懇。乃得

音俞允。即

勅臣等編次。并

命仍以敬勝標名。爰謹就

秘殿所藏。以及石渠彙笈之緘。仙苑琳瑯之貯。

彙集展觀。不下數千百種。縹緗盈富。未能悉

付鈎摹。敬擬排次編成四十冊。首列

御製詩文各體書。而以為君難跋一篇為冠。綜

治法而與

心傳。闡君師之至道。備作述之隆模。奎藻天章。元

宜交輝並麗。次遠錄識前言。或研經提要。或

稽史鈎元。凡名論雅歌。披尋有當。一以染翰

成之。璧合珎聯。輝增榮府。復次以

俯臨  
摹倣

者。皆有以。魏晉以至明代。碑版手跡。仰邀之。

奇觀。豈直出藍之妙。詣蘇軾論書。有云。日行

於天。委照萬物之上。光氣所及。流為慶雲。結

為丹砂。初豈有異哉。且夫百谷。溲流。輸波。左

海。萬峯競秀。演脈崑崙。書雖為六藝之一。而

統會提衡。使天下萬世。操觚吮墨之士。必折

衷。以會歸有極。抑亦同文之盛軌也。與若淳化

大觀。太清。諸帖。昔人所重。為環寶者。自有

御定

星文

三希墨妙二搨。已瑣瑣焉。無足比稱。又何敢

末。希光儼耀哉。臣等不揣庸陋。敬識燕語於簡

末。且榮且愧。冀以抒揚贊之忱。並藉垂永永

云爾。臣蔣溥。臣梁詩正。臣于敏中。臣王際華。

臣錢汝誠。拜手稽首。奏跋。

皇上以我作聖之餘功。示游藝之極則。臨池汲古。備

命重摹刻宋淳化閣帖。

親示折衷訂定。嘉惠海內藝林之士。既藏工。嵌石

樂壽堂。

命臣等排次舊刻。御書敬勝齋法帖。分嵌廊壁。謹按石凡三百六十

有五。較楹數稍絀。使即卷尾續增。不能依卷

宸翰十帖附入。其體裁之為

作為述。歲月之或後或先。一依原例。而符楹數。

御臨內減去一帖。凡三百七十六石。以符楹數。



堂前則自西而東左旋。列卷一至卷二十。堂後則自東而西右旋。列卷二十一至卷四十。於

奎章藻麗。粲然犁然。若經緯之昭回。比璿璣之環

仁智之德。並極貞恒。若夫

蘊心法於書法。由不息而日新。國非蠡管所能窺

測。抑亦毋庸贅頌也。已。乾隆三十九年仲夏

中。翰林。臣。沈初。拜手稽首。恭跋。臣。梁國治。臣。董誥。